

Evangelium infantiae vel Liber apogryphus de Infantia Servatoris

M A G N I F I C I S
N O B I L I S S I M I S
A M P L I S S I M I S
E T C O N S U L T I S S I M I S V I R I S
R E I P U B. B R E M E N S I S
C O N S U L I B U S.

D N. M E L C H I O R I S C H W E -
L I N G I O.

D N. F R I D E R I C O C A S I -
M I R O T I L E M A N N O
c o n d. S C H E N K.

D N. H E N R I C O a b A S C H E N.

D N. H E R M A N N O D W E E R -
H A G E N C U M M A X I M E
P R A E S I D I.

PATRIBUS PATRIÆ
VENERANDIS.

DOMINIS
PATRONIS
FAUTORIBUS SUIS.

S. D.

HENRICUS SIKE.



Non dubito fore plerof-
que, qui hoc genus scri-
ptionis, quo libellum a-
pocryphum, & vel ab
impiis hæreticis, vel saltem a ne-
fariis & superstitiosis hominibus,
revera Ecclesiæ Christi carcino-
matibus, profectum in lucem pro-
trahimus, non leve tantum &
contemnendum, sed damnandum
quo-

D E D I C A T I O.

quoque & sufflaminandum, neque satis dignum tantorum virorum personis judicent. Sed hi erunt fere, qui vel antiquitatis Ecclesiasticæ ignari, verum & genuinum harum scriptionum scopum perspicere non poterunt; vel aliquo affectuum æstro perciti, nisi quod ipsi fecerint, nihil rectum putabunt. Qui si paulo altius rem mecum repetere, rationesque ac magnorum virorum exempla putare voluerint, si adduci non poterunt, ut instituto nostro faveant, saltem æquum illud esse, atque ab omni reprehensionis labe alienissimum, fateri cogentur. Equidem extra controversiæ aleam positum est, inter varia rationum momenta, quibus Christiani hominis ani-

D E D I C A T I O.

mus ad agnoscendam S. Scripturæ divinitatem & *divinitatem* impellitur & pertrahitur, palmam facile obtinere insitas illas notas & impressa ipsi quasi digito Dei criteria, quæ ceu indelebiles divini sermonis characteres sua luce & radiant, & omnem mentium nostrarum caliginem dispellunt. Sicuti enim vegetus ille & aurei oris sol, quaqua versum incedit, lucem secum circumfert & vigorem in omnia dispertit; sic Prophetici & Apostolici sermonis lucerna, cooperante interno Sp.S. testimonio, tanquam lucidissimus Phosphorus divinæ sapientiæ radios quaqua versum diffundit. Tantam nimirum tamque insignem styli maiestatem, tam absolutam præceptorum

rum

DEDICATIO.

rum & dogmatum sanctitatem, tantam in narrando veritatem, exoticorum monumentorum fide & consensu comprobata, tantam prædictionum cum suis eventibus, tantam totius corporis harmoniam & concentum suavissimum mens humana contemplans & perspicuens, non potest non in summam rapi admirationem, & divinorum eloquiorum Deum ipsum auctorem agnoscere. Verum, ubi ab ista scripturæ divinitatem probandi ratione discesseris, nihil prius, nihil antiquius sese offert, quodve magis agnitæ veritatis persuasionem in mente humana confirmare possit, quam collatio eorum scriptorum, quæ vel priscis temporibus, vel nostra etiam-

D E D I C A T I O.

etiamnum hac ætate pro divinis ac
gentilibus fuerunt venditata. Talia
 sunt Kabbalisticæ Judæorum nu-
 gæ, Talmudica portenta, insipidæ
 Alcorani næniæ, & inficetæ ple-
 risque Mohammedanorum susce-
 ptæ traditiones, quam Sunnam
 ipsi vocant: quæ maximam orbis
 habitabilis partem fascinarunt, &
 tanquam *seguente m e cælo delapsa* ab
 infinita hominum multitudine
 summa cum veneratione adorantur.
 His adde execrabiles prisco-
 rum hæreticorum blasphemias,
 quas in ipso statim Christianæ re-
 ligionis ortu & subsequentibus or-
 dine seculis toties eructatas, nostra
 sæpe ætate recoctas meminimus.
 Hæc atque id genus alia semper
 annisi sunt viri docti & cordati fi-
 deliter

DEDICATIO.

deliter posteritati exponere, ut
perpetua ecclesiæ certamina con-
tra externos & intestinos hostes ex
iis patefcerent; porro examinare,
confutare, censoria virgula notare:
nunquam vero *Tardipedi Deo dare*

Infelicibus ustulanda lignis.

ita enim occultata tamen atque e-
dita mansissent, quod de *Cremutii*
Cordi annalibus *Tacitus* ait. Hinc
igitur ipse Spiritus Sanctus noluit
nos latere, quæ *Nicolaïtarum*, quæ
Phileti & *Hymenæi* hæresiarcha-
rum insana & absurda fuerint dog-
mata. Hinc est, quod *Irenæus*, *Ter-*
tullianus, *Epiphanius*, *Philastrius*, *Au-*
gustinus, *Theodoretus*, infiniti alii,
omnium, quotquot tunc exstite-
rant, hæresium nefanda quæque
dogmata & opera & sui ævi homi-

**

ni-

D E D I C A T I O.

nibus propalarunt, & scriptis ad
feram posteritatem transmiserunt.
Eandem ob rationem *D. Petrus Ab-
bas Cluniacensis* suis auspiciis, suis sum-
ptibus Alcoranum, ex genio illius
seculi in linguam Latinam con-
versum, in Ecclesia Christiana pu-
blicavit. Cumque majorum no-
strorum ætate infelices quidam
turbones præfervido & intempe-
stivo zelo cuncta Judæorum scri-
pta flammis abolita vellent, for-
titer sane & animose vir optimus
& doctissimus *Johannes Reuchli-
nus* sese illis opposuit, & publica,
ne id fieret, auctoritas intercessit.
Quid memorem sanctos concilio-
rum canones, quibus librorum
hæreticorum lectio ecclesiastica
auctoritate Episcopis permittitur?

Ne-

D E D I C A T I O.

Neque enim , ut verum fatear , vulgo imperito aut lucubrantibus aniculis hæc atque ejusdem generis alia scribuntur ; sed iis legenda offeruntur & commendantur, quorum est Antiquitates Ecclesiæ rūspari , divina mysteria ab omnium fannis & obtrectionibus vindicare & facta tecta conservare , & adversariorum laqueos & captiones posse eludere. Præterea si degenerem ab ipsis statim incunabulis suis Christianismum in hisce aliisque id genus hæreticorum libellis spectamus , minus mirum nobis videbitur , Mohammedem Pseudoprophetam nefariam suam, orciq̃ue ex faucibus excitam doctrinam tanto cum successu potuisse spargere , eademque orbem ter-

D E D I C A T I O.

rarum veluti pestilenti quodam fide-
dere afflare. Qua in re justam Dei
ultionem, & severissimam socor-
diæ & ingritudinis Christiano-
rum punitionem submissa mente
agnoscimus: absque quibus si fuisset,
nunquam neque ex tantula
scintilla tantum incendium oriri,
neque absurdissimis illis principiis
tanta novæ ac pestiferæ sectæ mo-
les superexstrui potuisset. Cui enim
verisimile fieret, hominem illite-
ratum & ineptum, furiosa verbo-
rum volubilitate, nulla subjecta
sententia, tot hominum men-
tes potuisse allicere & dementa-
re, iisque absurdissimas nugas
& febriles nænias insinuare:
eundemque generis quidem nobi-
litate conspicuum, pauperem ta-
men

D E D I C A T I O.

men & a gentilibus suis desertum, tantum auctoritate & armis valuisse, ut non tantum religionis novæ Antistes, sed novi etiam imperii fundator & Princeps existeret, nisi singularem hic Dei ter O. M. providentiam, Mohammede tanquam flagello ad puniendum Christianos utentem, agnosceret? Præterea alium vel maxime insignem usum talia scripta nobis præstant; nempe ut os obturemus Pontificiis, qui perfricta fronte impudentissime * mentiri & calumniari audent, sectam, quam Calvinianam illi vocant, sentinam esse, in quam veterum & recentium sectarum er-

**

3

ro-

* Vide Dionysii Petavii præfationem operibus Epiphani præfixam.

D E D I C A T I O.

rorumque colluvies confluerit,
 ac quidquid hæreseon hætenus
 exstitit, de quo legi aliquid, vel
 audiri potuit, ex eo libatum ali-
 quid esse & in eandem derivatum.
 Quasi non contra probatu esset
 facillimum, imo a nostris abunde
 demonstratum, plurimas antiqua-
 rum hæreseon (omnes diceremus,
 si ipsorum impudentiam imitari
 luberet) particulam sui veneni
 ecclesiæ Pontificiæ afflasse, & ali-
 quid saltem suarum sordium ei-
 dem affricuisse, quod in hodie-
 rum usque diem perpetuo illi ad-
 hærescit. Non jam referam, quot
 Apocryphorum librorum myria-
 des obstetricantibus monachis ex-
 clusæ sint & Patribus suppositæ;
 illud tantum innuisse sufficiet, plu-
ri-

D E D I C A T I O.

rimos tales hominum κατ'εργων & vere hæreticorum foetus genuinos plerisque Pontificiorum videri, & innumera ex iis, tanquam certissimis testimoniis comprobata, vulgo credenda obtrudi. quod vel solum illud pseudo-euangelium Xaverianum a *Ludovico de Dieu* editum cumulatissime ostendit. Multa quoque ex hoc Euangelio infantiae præ iis, quæ divinæ tradunt scripturæ, mirum in modum illis hominibus arrident; de Christo in spelunca nato, asservato ejusdem præputio, fonte & balsami horto in *Matarea* productis. quæ licet plurimis quoque Patrum memorentur, ex iisdem tamen turbidis fontibus hausta esse constat. Sed de his quidem plura hoc loco dicere nihil attinet,

net,

D E D I C A T I O.

net, ne in publica commoda peccare videar, si longis sermonum ambagibus vestra, Viri MAGN. & A M P. tempora, gravioribus & magis arduis curis destinata, moratus fuero. Vestris enim illustrissimis nominibus exiguam hanc lucubratiunculam inscribere ausus sum, ut & civis boni officio fungerer, & meæ in vos observantiæ & gratæ voluntatis publicum aliquod exstaret monumentum. Parvum fateor & exile est munusculum, quod vobis offerò: sed nondum ego eam facultatem assecutus sum, ut a me quidquam magnum aut egregium expectari debeat; & vos, scio, quæ vestra est humanitas & benignitas, animum potius meum, quam rem
ipsam

DEDICATIO.

ipsam spectabitis. Ego interim
Deum O. M. supplex veneror, ut
Rempublicam nostram Bremen-
sem, quam vos hactenus felicissi-
mam & florentissimam præstatis,
incolumem conservet, vosque in
tanta temporum diritate & atro-
citate quam diutissime eandem
temperare & administrare velit.
Trajecti ad Rhenum. a. d. V. Eid.
Maij. CIO IOC XCVII.

PRÆ.